



Axh / b'anol vatz ve txaeklan/ see:a

Unq'a aq'omb'ale tuk'unq'a txumb'ale' ve ni eq'on tachul unq'a xaole ve kat kux max oon jalit a' tu nimla tename' Estados Unidos, a' ni sab'ela as ni tilpe' va' meresetel la jalpul vi chonil u b'ekb'al'e' – tan a'chit unq'a b'anol b'ek'e' la ok tilil sti' tan vi i q'ab'chajak atkat as taq'om chite' tilpi isuchiil unq'a b'ek'e'.

Nun tz'ik'ikb'en see ti 'i vi' janq'al chit unq'a qitz'in qatzike've'nuk'el qib'tu kux umaal tenam ve ni mox ilon uva' ye la mox pach'pik kan as ye la mox yansaal qijle'm tuk' ku tichajil as ve atb'en i vi' tiaj b'ek ve la yik'insan u qatine'tu b'aan. Ni mox ku nuk'qib' as ni k'ul tib'ku yool, vatz jolol unq'a tzalal as kaxkoj ve ni mox yansan u katine', echkole'uve' ni mox i txiypu unq'a kumole' ti i b'en xe'tze' as ti i q'ajsal tulaj i tenam, as yexhkan ni mox i ch'otil i tzib'al kam i paav ati' vatz u b'ek'e', tan nimal xao' ve ni kux i chesaal i pav yax kux txiypi as techenal kux i b'ajbikb'en tulaj i tenam as jit kux umaj pet nimal xao', tuk'u txumb'ele'uva' ni yansalkat kajayil tatin unq'a qitz'in qatzike' tuk' uma'l nimla tenam.

Ni ku ja'se' uva la chit o'xao' tilil sti' ve nimal xao' ni tx'e'b'on sti', pet la b'anchi isuchil unq'a tachul q'iile' ve ni toksal kat unq'a kumole' ve at tu nimla tename'uva' tu ach' ve at vi i q'ab'. Tutzan 1929 kajpux kux pich'uli' as u muxtele'tu 1986 ve itz'amal tan kavatzul jolol xao' as tuk'u ijlenale' Ronal Reagan.

Asoj la pich'ul as la ilax isuchiil tachul janq'al chit unq'a xaole ve atoktzan tu nimla tename'uva' kamal ye'chajak la mox xaan taama as la k'ujeb' i k'uul' janq'al chajak ve' naytzan chit i tx'eb'one' as jejele' chit 'vet tzitza' tuk' a tatin moj i talajintxa'.

As jit kux tuk' u txumb'ale'uva' la mox lochopukat u ku mole' tan asoj a kuxhe' la qilb'en a'chit u b'ane ye lo mox ye la mox qil i vatz, estie' nu ku sab'ela se' uva' la locho'tuk' vi xetesab' unq'a b'ek'e' uvile'.

● **H.R. 2366- I b'ek janq'al unq'a xao' tuk'u tatine' ve k'ulel tib' tu Nimla América (American Families United Act)**

Unq'a setisa'm b'ek'e'uva've' nu kusa' la oksal tu ach' as la chesal ti i txakonsale' a'e' ni k'uchun janq'al chit u txumb'ale' ve ni yik'insan u qatine', ve atkat elil, atkat nimib'vatz i txakonsal unq'a b'ekb'ale', as ve ni yikinsal kat vi chonil as tatin unq'a xaole xoo'l tatin. Tu qatine' tzitz'a cheel uma'l 22 millones unq'a xaole ve at tu nimla tename' ve' Estados Unidos de Norte América at tu unq'a ache' ve at tatin moj i talajintxa' moj i mool i meeb'al at tuj as at tatin yele', tul uva' uma'l kux atajkat. Echkole:

4.9 millones unq'a talajintxae' ve a'itz'ab'nalkat tu nimla tename'uva' ve a'vi txutxe' moj vi b'aale'ye'tu' j ati ti tatin tu nimla tename'uva'.

1.7 Millones vi tachul unq'a xaole ve tzitza' chit itz'eb' nalkat ve eq'on tib tuk'aj xao' ve ye' tu' j ati ti tatin tu nimla tename'.

Unq'a b'ek'e' ve ye' i txaak as ve k'axb'isaam kux ni tilb'en ti', echkole u b'ek'e' ve aan kat b'ampu tuch ti unq'a xaole' ve ye' tu' ati ti tatin tzitza' ve tutzan 1996 (IIRIRA) ve atok chit ti' i jatxpi vatz janq'al unq'a xaole tuk'u tatine' as ve ni potzankat unq'a qitzin qatzike' ve ataj vet tuj ti i jejeb'tu nimla tename'uva' as tul ye' i paav sti', Ye' i b'anil u beke'va'sqi' as jit kuxhe' pet jit'ech i txumb'al as titz'ab'al unq'a nayla chaj xaole' ve jejelechit tzitza' na'uytz'an.

La qale'uva'oxva'l unq'a txumb'ale'uva' ve la yikinsali' la jajon b'ey sukuvatz tuk'aj joltaj b'ek' ve la mox tilkat uma'l 8.5 millones unq'a kumoole' ve ye vas tuu' j ati uma'l 'b'an, ve' la oksal kat unq'a xaole' ve' "Dreamers" i b'ii ve atok vatz u TPS xol ve ni lochon unq'a i mool tatine'.

Tul la mox ilpi sichuul as i b'anchu unq'a b'ek'e' stuk'e la ulkat taama as la yik'insalkat txib'al i q'ii u nimla tename'uva' tan at chusum ve nimox alon ve asoj la kapulil chatul janq'al chit unq'a xaole' ve atoktzan tzitz'a ti' aq'on la mox uch i kapul i chi' as tul taama u tename' ve' Estados Unidos de Norte América as la mox i mool um'al 47 billones i vatz vi puaje tu vinaj olavat yaab', ve cheel ni kux toon tu 29 billones tan u b'ek'e' tuk'titz'ab'al cheel. Jit kux u vatz tx'ava'e' un ku yolon sti' vet a'uku meb'alile' pajte' nu qilb'en ti'.

Stie' un ku sabe la se:

La loch tib'ti i b'anax isuchil unq'a tachul q'iile' ve ni toksal kat unq'a kumole' ve at tu nimla tename'uva' tu ach' ve at vi i q'ab'. H.R. 4696

Lo lohpu unq'a aq'one' xetisamal ti i b'anchu u b'ek'e' H.E. 2363

A'ni tale' la mox i chiji tib' i q'ab'xao' ti' tilpi suchil janq'al chit unq'a kumoole' ve at titza' ti aq'on as ye' vas tu' ati.

Ayal unq'a txumb'ale'uva' la lochon unq'a xaole' ti i yik'insal u tatine' ve ye las mox yakeb' unq'a b'ek'e' ti ji jatxpi vatz, tan tzitza' la ulkan taama , ve' atkat k'ujleb'al k'uul ve' atkat b'ek' ti unq'a tichajil xaole' as ve atkat elichil vatz.

Kamal nim la tal qaama asoj la mox tab'ikat tib'kuyool tuk'axh, as la otzikat kam chit ni tal qaama tu atimbale' ve' naaq'oimkat. Tantixh see ti u etz'ab'ale' as ti u aq'one'.

O'e'.

B'ii _____

Tachul tatin atimb'al ve' la onkat tzii: _____